

Kosmo  
1/7/2015  
mls 2

# Kerajaan disaran bertindak tegas terhadap penjahat asing

**KUALA LUMPUR** - Kerajaan diminta menambah hukuman serta denda yang dikenakan ke atas warga asing yang melakukan kesalahan di negara ini ekoran kejadian jenayah melibatkan golongan itu semakin membimbangkan.

Penganalisis jenayah, S. Jeevan berkata, kerajaan perlu mengambil tindakan tegas termasuk menyenarai hitam warga asing yang melakukan kesalahan tidak kira kecil atau besar



S.JEEVAN

daripada memasuki Malaysia bagi tempoh lima hingga 10 tahun.

“Jika dilihat penempatan banduan di penjara, 60 peratus daripada mereka merupakan warga asing yang melakukan pelbagai kesalahan jenayah seperti kes dadah, samun dan rompak.

“Mereka berani melakukan jenayah di negara ini disebabkan hukuman yang dikenakan terhadap mereka dianggap ringan selain penguatkuasaan yang

lemah,” katanya ketika dihubungi *Kosmo!* di sini semalam.

Ujarnya, selain itu, faktor gaji turut menyebabkan warga asing berani melakukan kesalahan di negara ini.

“Disebabkan gaji yang diperoleh tidak mencukupi, mereka selalunya akan memilih jalan yang salah dan inilah sebenarnya yang berlaku. Jika dilihat kebanyakan gadis pelayan pelanggan (GRO) selalunya terdiri daripada warga asing,” katanya.

*Kosmo!* sebelum ini pernah melaporkan terdapat kira-kira 6.7 juta pekerja asing berada di negara ini sekarang.

## INFO Statistik jenayah warga asing

Jenis kesalahan	2012	2013	2014 (sehingga Ogos)
Bunuh	66	216	167
Rogol	52	145	138
Samun	528	2,562	1,503
Mencederakan	133	492	498
Curi	257	1,576	1,871
Curi kereta	25	740	568
Curi motosikal	149	2,257	1,252
Curi van, lori, jentera berat	5	75	78
Curi ragut	36	643	318
Pecah rumah	324	4,885	3,103
Jumlah	2,291	13,591	9,496

Sumber: Polis Diraja Malaysia



ANGGOTA polis membawa beberapa bahagian badan manusia dari Apartmen Astaria, Taman Kosas, Ampang pada 3 Ogos 2011.



APARTMEN Astaria di Taman Kosas, Ampang, Selangor tempat dua beranak menjadi mangsa pembunuhan kejam empat tahun lalu.

Mayat mangsa dipotong tanpa belas kasihan, organ dalaman dicampak dalam tandas